

富順縣志卷之十五

藝文

經部 史部 子部 集部

漢隋唐宋史志藝文攷其紀載均列次篇目撮錄意旨而已馬端臨經籍考晁公武讀書志陳振孫書錄解題皆仿其意為之而明楊慎撰全蜀藝文志則搜剔詩古文辭分類排纂啟志乘家摺摭篇什之例識者譏之以為似選家之總集非作志之上裁富順人士通雅代作今茲所錄但取成書例仿四庫提要部分經史子集究其撰述志意所在理論所歸間及文

富順縣志

卷十五 藝文

一 川一八

辭徵取眾說為敘訂焉其有目無書亦并著錄於以稽著作之林徵一邦之獻志藝文

經部

史子集皆以時代先後為次惟經為既郭依六藝部次但各經之中仍以撰述人時代序列

易樞十卷

宋李見撰玉海天禧二年七月戊寅富順監言李見撰易樞十卷詔附驛以聞明曹學佺蜀中著作記曰江陽李見讀易於神龜山著易樞五卷天禧中令附驛以聞
通志 本志有傳

周易解

無卷數

明晏鐸撰鐸字振之富順人

通志

本志有傳

周易象旨決錄七卷

明熊過撰過字叔仁號南沙富順人嘉靖己丑進士明史文苑傳附載陳東傳中稱過及陳東王慎中唐順之趙時春任瀚李開先呂高爲嘉靖八才子然過研思經訓實不止以文章名是書據過自序初名易象旨後遂加決錄之名案三輔決錄名始趙歧而命名之義古無傳說以意推之蓋定本之謂也自敘又稱初聞閩人蔡清善爲易購得其書惟開陳宗義不及象於是稍記疑

富順縣志

卷十五

藝文

二

川

者爲贅言辛丑謫入滇晤楊慎勸成此書蓋初讀宋易覺不合乃去而爲漢易故其說以象爲主考左傳韓起適魯見易象春秋古人旣以象名知象爲易之本旨故繫辭傳曰易者象也象也者像也王弼以下變而談理陳搏以下變而言數所謂各明一義者也後人併而一之概稱象數於是喜爲杳冥之說者併而埽之乃諱言象數明人之易言數者入道家言理者入釋氏職是故矣過作此書雖未能全復漢學而義必考古實勝支離恍惚之談其據舊說以證今文者凡證字一百有一證

三十八年庚戌復大旱赤地千里餓殍載道民多離散城野半空

崇禎朝有龍出明倫堂內西角現有石刻碑文並龍池二字出龍處溼土終年不乾知縣貢以達作石欄杆圍之

崇禎 年萬壽寺火災延燒上街

十七年甲申三月內泮水盡赤池側居民梁景莪晨起見之報於官人競觀之咸歎以為異是年七月獻賊入川殺戮邑民殆盡

戊子年大荒邑中避難者人相食是年疫大作人皆徙散

富順縣志

卷十六

雜異

三

百里無煙

上段志

清乾隆三十一年丙午五月初六日地大震

四十三年戊戌春夏大旱

嘉慶六年辛酉大疫死者甚眾

上新增

十年乙丑大旱收成不及五分

十一年丙寅五月瘟疫大作街衢石上俱有黑絲長短不一

一如墨籤所畫磨之不滅經三日乃已

上黃志

十二年丁卯大旱

十三年戊辰大饑疫病者死者枕藉道途

十六年辛未 月二十一夜地震有聲連震數日又每夜
彗星見西方

二十二年丁丑三月三十夜大風雹禾麥皆損

道光二年壬午雨雹人畜房舍多被損傷 上新增

四年甲申二月初一日大冰雹損壞房屋甚多五六人合
抱大樹俱吹折城內大興棧一雷擊死三人夏大旱

五年乙酉復大旱收成不及四分

六年丙戌歲大熟 上黃志

咸豐七年丁巳大旱秋有星出西方色赤如火長丈餘十

富順縣志

卷十六 雜異

四

餘夜始沒

十年庚申七月二十六夜有三星出西方忽朦朧一片寬
尺餘長四尺形如巨槌其光若火三星隱見其中閃爍不
定至乙丑年冬始沒

同治三年甲子大旱斗米錢一千六百文

五年丙寅三月二十一夜大風雹房屋多傾頽十一月初
三日地震

十二年癸酉大水入城較明萬厯癸卯低數尺

十三年甲戌四月彗星見西北方

舉人張世芳序略曰此表乃其家塾子弟習經之初元
叢錄令便覽者芳見其周通禮典綜括眾說悉而不
詳而不碎雖出尋常撮錄即使夙儒研精亦不是過
傳

儀禮士喪虞器服釋證四卷

陳崇哲撰自序略曰既遭大故乃究喪儀討玩經記撰
為斯篇既自明其重悔更欲告之後來雖禮有俗宜未
容盡狃而慮周典備其可藉摭悲惋之心者不亦多乎
常用之數非喪所顯取便世用輒為通釋弗敢畧也

富順縣志

卷十五

藝文

五

川三

饋食儀節一卷

陳崇哲撰是篇所著儀文器數一遵會典品官之制典
所不及則採於經之可行俗之可仍者參酌成之

春秋明志錄十二卷

熊過撰

名已見前者不
再著朝代後同

過有周易象旨決錄已著錄其

注周易頗不主先儒舊說此書亦多自出新意辨駁前
人於公羊穀梁及胡安國傳俱有所糾正而攻左傳者
尤甚如以邢遷於夷儀為邢自遷非桓公遷之以城楚
邱為魯備戎而城非桓公城以封衛以晉人執虞公為

存於其國制之使不得他去而非執以歸以審母之會
辭子華爲不實以洮盟謀王室爲誣說以用鄆子爲出
自邾人非宋公之命以晉懷公爲卓子之謚文公未嘗
殺子圍以趙盾並未使先蔑逆公子雍於秦以衛石惡
爲孫氏黨非審氏黨以楚殺慶封非以罪討無負斧鉞
徇軍事俱不免鑿空立說又如以郭公爲鳥名謂如螟
蟻之類書以紀異以梁亡爲魯大夫會盟所聞歸而言
之不由赴告故不著其亡之由亦多出於臆斷大抵務
黜三傳如程端學端學不過疑傳過乃至意造事蹟其

富順縣志

卷十五

藝文

六

弊更甚於端學然端學多繳繞拘牽格格然不能自達
過則斷制分明紕繆者極其紕繆平允者亦極其平允
卓爾康春秋辨義謂其頗出新裁時多微中亦春秋之
警策者語固不誣故今糾其廢傳之失以彰炯戒而仍
不沒其所長焉

四庫提要

增注孝經一卷

晏鐸撰

通志

本志有傳

小學注

無卷數

晏鐸撰

通志

小學訓蒙真說 無卷數

明李龍撰龍字雲從富順人宣德丙午舉人 通志 本志有傳

益部兩漢經師表一卷 益部先賢士女人物表一卷附

清宋琨撰琨字君西宋育仁之長女年二十五卒育仁序略曰自班史言文翁倡其教相如為之師蜀已比於齊魯有若何武張騫揚厚馮緄之倫文武彪炳照耀史冊鄉後學顧罕能稱之嗟乎今其衰矣原夫兩漢之學術皆出於經師之所傳欲究學術之淵源故以兩漢經師為朔而古州遼窻置郡華離今表吾鄉先賢以兩漢

富順縣志

卷十五 藝文

七 川上三

史次及華陽國志為徵則以漢置益州所統益部為斷先列兩漢經師表一篇并及季漢刺取本傳志文著其授受所學與其著書更次分目人物為益部士女先賢表別為一編仍依前例刺取傳志本文著其行之尤異以訊鄉人儻有聞而興起者乎又序其遺文曰問琴閣長女側室繡絲所出生於英倫時在使間攜繡姬自隨雇洋女為使婢婢累呼云魁英擺疊擺疊者洋語評小孩也英文譯音魁英者譯義為女皇或為君也女者抑猶雅言女公之例詞為女王也問婢何故乃云其生與

維多利亞同日遂名之魁英及長命字取與名應字曰君西魁英之合音為琨易繙語為文言名之以琨幼好讀書時聞講貫如有悟入命試為詩賦未之異也既亡其兩弟乃檢其遺墨有論三篇生時初未呈閱乃達理而成章嗟乎怛化未見其止也敘而存之

史部

容臺議禮集

無卷數

明黃輔政撰輔政字顯忠富順人成化戊戌進士

敘州府志

本志有傳

富順縣志

卷十五

藝文

八

川三

讀史管見

無卷數

明張頌撰頌字德容宏治乙卯舉人任通判長于吟詠所著有瀾巖集百詠詩楚辭疏義讀史管見等集

段志

通鑑考誤

無卷數

明謝金撰金字以虛富順人

敘州府志注通志似誤

通志無府志本志有傳

考古通論

無卷數

明萬邦憲撰邦憲富順人嘉靖辛卯舉人

敘州府志通志無府志

注通志似誤

本志有傳

石鼓書院志四卷

明周詔撰詔字臺山富順人嘉靖癸巳官衡州府知府
石鼓書院在府治北石鼓山宋景祐間充集賢校理劉
沆之請賜額置田與睢陽嶽麓白鹿號四大書院詔官
於衡因取舊治稍增損以爲此篇

通志 本志有傳
舊治疑當作舊志

居官冰鏡 無卷數

仕途懸鏡 無卷數

治安文獻 無卷數

劉時俊撰 均載通志

寧州政略 無卷數

富順縣志 **卷十五** 藝文

九

明余敬恆撰敬恆字昆五富順人天啟副榜 通志 本志有傳

崇禎閣臣行略一卷

明陳盟撰盟字鶴灘富順人天啟壬戌進士官至吏部
右侍郎兼翰林院學士加禮部尚書是編首列崇禎一
朝五十閣臣年表次各爲小傳據其載及姜瓖叛逆李
建泰伏誅之事則其書當成於桂王未滅時也所列小
傳各有評斷而大抵深致恨於門戶夫明以門戶亡國
其恨之是也然稱溫體仁小心謹密兢兢自持既與門
戶不協耽耽伺隙遂絕私交謝情面稱薛國觀之賜死

士論冤之稱李建泰以人望薦舉督師無一貶詞顛倒是非至於如是其褒貶尙可信乎亦仍一門戶而已四庫提要 本志有傳

蜀省全圖 無卷數

明劉泌撰 通志 本志有傳

秋審事宜四卷

清蕭世本撰世本字廉甫同治癸亥進士 有傳

八代文章志二十卷

陳崇哲撰寫本存四川國學院

富順縣志 **卷十五** 藝文

十

江漢源流考二卷

陳崇哲撰自敘略曰國朝輿地圖志枚計不能盡而觀縷今水條貫源流則有黃梨洲今水經顧景范川濱異同齊息園水道提綱黃氏粗具梗概而已顧氏較詳齊氏預修大清一統志得盡按天下之圖籍而為之鉤稽綴輯稱巨編焉三書祇臚今水罔徵曩籍彼豈有未遑哉立言著書固各有例也今謹以近日府廳州縣為綱凡水所歷至城下及去城未十里者曰至某城去城十里外者曰經某境下條引古今諸書證之略誌沿革以

見今某水即古某水今經某地即古經某地也異說者亦并錄而辨其所疑昔人已論者不襲已論而已有說以輔之者辨焉然要未敢竊人言為己有云
讀史及幼篇二卷

清鄭德暉撰德暉字吉人諸生是篇舉歷代統系里都名號綴成長歌凡四百八十有六句三千四百二言為取便幼讀之作也有傳

富順縣志二十七卷志干史為支流餘裔故殿此

清進士李芝同知縣段玉裁撰道光七年丁亥舉人黃

富順縣志 卷十五 藝文

十一 川文上

靖圖續修增為三十八卷同治十一年壬申副貢呂上

珍續修編為三十七卷案宋富順縣志王象之稱郡守楊汝為序明富順縣志十卷知

縣秦可貞撰二志皆見通志明志佚宋志并序亦不可考惟書目僅存以其為邑乘之最朔故彙著于此

子部

參同契解陰符經注無卷數

晏鐸撰通志

居鄉錄無卷數

謝釜撰通志

明道錄無卷數

明劉愔撰愔富順人 通志 木志有傳

存奇錄四卷

劉時俊撰

地理心法 無卷數

余敬恆撰 通志

參同契悟真篇定義 無卷數

金永返還大丹口訣 無卷數

明郭暄撰暄字負暄富順人崇禎己卯舉人 通志 本志有傳

富順縣志 **卷十五** 藝文

十三

集部

青雲集 無卷數

晏鐸撰宋彝尊靜志居詩話振之採明初詩為鳴盛集惜未之見花月金陵十四樓之句盛傳於時今其詩存者甚少格調平平僅與海寧三蘇相伯仲 通志

鳴盛集 無卷數

晏鐸撰 通志

立菴集 無卷數

明李本撰本字立之富順人正統戊辰進士 通志 本志有傳

慕菴文集

無卷數

明謝英撰英字仁傑富順人景泰癸酉舉人歷官同知

昌和集玉缶聯音集

無卷數

明呂尙功撰

通志

本志有傳

東山小稿

無卷數

明龔嵩撰嵩字維岳富順人成化甲辰進士

通志本志有傳

楚辭疏義

無卷數

瀾崖集百詠詩

無卷數

富順縣志

卷十五

藝文

三

リニ文

張頌撰

均通志

止所集

無卷數

明鄧萬斛撰萬斛字汝容富順人宏治丙辰進士

通志本

志有傳

活泉詩集

無卷數

明何鍾撰鍾字以宣富順人正德辛巳進士

通志本志有傳

南沙文集八卷

熊過撰是集乃隆慶戊辰其門人嚴清所刻前四卷為

疏序書記後四卷為題跋引傳碑銘祭文雜著過留心

經學其文章亦列名八才子中然集中諸作大抵應酬

之文也四庫提要 費經虞曰過文甚樸奧沈鬱雖暢

也又嚴清謂其初刻意為文晚則究心經學 通志

石亭詩集 無卷數

萬邦憲撰

通志 本志有傳

已癸草入秦草歸田草拔茅山人草 無卷數

明甘茹撰茹字征甫富順人嘉靖丁未進士 通志 本志有傳

棠軒詩文集

明李長春撰長春字元甫號棠軒富順人隆慶戊辰進

富順縣志 藝文

十四 川上

士 段志 有傳

玉堂漫稿謫居稿 無卷數

明熊敦樸撰敦樸字茂初號陸海過之子隆慶辛未進

士 通志 本志有傳

雪齋詩集 無卷數

陳盟撰 通志

雪山詩集 無卷數

明胡甲魁撰甲魁富順人天啟丁卯舉人 通志 本志有傳

壽世集 無卷數

明彭士英撰

通志作世英誤

富順人崇禎庚午拔貢

通志本志有傳

劉子長菴集旅嘯集

無卷數

劉泌撰

通志

疑始道人詩文集

無卷數

郭運暄撰

通志

斷香集

無卷數

明尹紉蘭撰紉蘭宜賓尹伸子求之女少而能詩適富

順劉泌與其妹文玉相酬和年十九卒泌拾其遺稿號

斷香集

通志

本志有傳

富順縣志

卷十五

藝文

十五

嘯餘草

無卷數

明劉晉康撰晉康字巨源崇禎己卯舉人

通志有傳

本志

愛蓮軒集烏私泣集

無卷數

明劉蒞撰蒞字汝馨號文季富順人

通志

本志有傳

葵餘詩集

無卷數

明李瑞鶴撰瑞鶴字雪卿富順人崇禎己卯舉人

通志本志

志有傳

桃源文集

無卷數

郭孝懿撰

通志

明陳起相撰起相字哺谷

段志作哺谷

富順人貢生

通志又遵

義府志載平水集自敘云人身最無用者鬚眉而處必不可去之位人世最無干者金銀而操必不可無之權靜言思之不覺失笑例斯言也不有制科之文乎國家政治無關士子品業無涉而上以是求下以是應遂為天壤必不容己之事不更可笑乎然猶曰業之者之蒙其利也非是則無以進也至聲律之學誠屬贅矣乃至達卿巨公以及山人游客例無不詩者而坎壈抑塞如

富順縣志

卷十五

藝文

六

予憂從中來格格欲吐亦遂不能無言夫顯者之為詩敷揚盛名山人游客或因以為利予不可以己乎是又不然譬之鬚眉金銀均不可少然在人則各為輕重彼陶朱猗頓能以金銀裝面雖鬚面未具人不以是失敬若貧窶之子即眉如堯鬚如靈運只覺面目可憎况或少有未具哉故以詩為名與利者其詩工否可勿論有時或不出於詩亦如富人之鬚眉原可或有或無也予之有是集也則窶者之鬚眉耳予又烏能已哉又著紫雲休夏集摩詰詩評並有自序見文集

本志有傳

萬山集 無卷數

明楊鴻基撰 通志 本志有傳

葛山詩集 無卷數

清范璐撰璐字與石富順人康熙壬子舉人 通志 本志有傳

一壑堂草 無卷數

清李爾振撰爾振字子宜富順人康熙辛酉舉人 通志 本志有傳

志有傳

藤坡詩集 無卷數

清萬恪撰恪字允恭興文人 案恪由興文學中見選舉 康熙辛酉舉

富順縣志 藝文

卷十五 七 二八

人 通志 本志有傳

敦厚堂詩集 無卷數

清郭于蕃撰于蕃字偉仲富順人康熙丁丑進士 通志 本志有傳

志有傳

卓山文集吟齋詩草 無卷數

清李九霞撰九霞字飲仙富順人康熙甲午副榜 通志 本志有傳

志有傳

破愚子集 無卷數

清陳暉震撰暉震字東起富順人康熙乙未進士 通志 本志有傳

志有傳

侯秋吟詩二卷鴻爪集詩二卷賢己堂文集四卷

李芝撰芝字吉山富順人乾隆戊辰進士陳崇哲戊寅

日記云吾邑李吉山先生號能詩者集已不存是編選

錄一首

國朝蜀詩選

吉光片羽可寶也急鈔於左峽中云出

峽復入峽一灘又一灘浪花飛雪亂帆景壓雲寒山鬼

昏同宿龍宮日共餐故鄉行尚遠枕上總風湍又有鹽

井火井二賦載段黃呂三志以文多不錄

有傳

注經堂詩文集

富順縣志

卷十五 藝文

六

四川

清朱黻成撰道光乙未舉人

有傳

十笏山房彙稿

清朱基撰基字樹卿道光乙未舉人

有傳

小封詩集

又有端本閣詩文集

清朱鉅成撰鉅成字小封道光甲辰舉人

有傳

題鳳館詩十二卷詞一卷文一卷

清朱鑑成撰鑑成字眉君同治甲子舉人自序略曰余

春秋既四十有一羈海外乃備取舊作削之留之得詩

千二百首分八集為卷十有二首丁酉訖丙午秋為第

一卷第二卷曰春華集言華則知實之未堅也其冬就
婚江南至戊申得第三卷第四卷曰大笑集昔者純于
髡齊之贅婿也以仰天大笑存齊國心竊慕之而於唐
李白我輩蓬蒿之語亦默有會焉己酉歸蜀至乙卯秋
得第五卷第六卷曰苟美集取聖人所善衛公子者不
嫌以美自居蓋不敢不勉也然於先文公所謂聊且粗
畧者爲多中辛亥奉先文林君諱不作詩乙卯秋荷東
洲先生賞歎而蜀帥江夏尙書因以賓吾訖於丙辰此
第七卷并梧集所由得也其冬有都門役第八卷得諸

富順縣志

卷十五

藝文

九

川八上

途曰懷器集行固未嘗無所合昌黎不我欺也丁巳記
室大京兆府而代風歸雅集成第九卷也明年正月偕
欽差大臣赴粵訖於七月得第十卷徙溟集戊午八月
後蓬轉羅浮白雲間己未九月從伯氏浮海之官文昌
縣得第十一卷十二卷拂珊集所由名也更編次新舊
古文爲上下卷詞畧一卷蓋數十年之月日畧備於此
矣有傳

羅處士集四卷

清羅惠沔撰惠沔字筱南布衣惠沔詩格及晚唐卓然

成家原本存宋育仁宅遭兵燹失去三卷僅存一卷

小坡詩集四卷

清張少蘇撰少蘇字小坡歲貢

味農詩草二卷

清宋時儒撰時儒字慰農自題詩草改稱味農 有傳

芝田詩稿

清馬德修撰德修字芝田歲貢歷任簡州潼川府等處

訓導別著有周易直解

魚山詩草

無卷數

富順縣志

卷十五

藝文

三

1181

清聶相燿撰相燿字少瞻邑廩生別著有韻府補遺四

卷 有傳

愚千堂文集四卷

清簡伯璋撰伯璋字君達初名世珍字慕州繼改燦字

闇伯光緒丙子舉人別著有漢書舉要 有傳

衷聖齋文集二卷介白堂詩集二卷

又與楊銳集合刻名劉楊合稿

清劉光第撰光第字裴村光緒癸未進士 有傳

八代文粹二百二十卷

簡燦陳崇哲合撰是編崇哲敘例曰自漢訖隋凡十三

朝古以漢魏六朝名八代今從其稱又曰諸文多本正史正史所無翼以羣書搜括頗具其文詞漫率事義無取者汰之約十之二碎斑片鱗不能成章者去之約十之一凡四集一千三百家有奇釐爲二百二十卷云云其一集卷一至卷二十八分九類曰制誥曰敕曰冊命曰璽書曰賜書下書報書曰令曰教曰符檄曰移以皇言爲主諸諭下之文坳之移用之同官敵國比類符檄故亦相從二集卷二十九至卷百四十五分十二類曰章表曰疏奏曰上書上言曰封事曰駁議曰策對曰對

問曰諫說曰啟曰牋曰奏記曰書皆奏上之文而書牘以類從焉三集卷百四十六至百八十八分八類曰訓誡曰論曰序曰記曰傳曰行狀曰碑文曰墓誌皆論著傳述之文詞體則各別也四集卷百八十九至卷二百二十分十三類曰頌曰贊曰銘曰箴曰告祝曰弔祭曰哀策曰誄曰哀辭曰七曰連珠曰雜文皆有韻之文間無韻其體要宜韻矣雜文終之猶外篇也湘潭王闔運序曰昔良史總略羣書本於六藝豈獨折衷於聖典蓋亦探究其淵源書契之興肇於羲畫文聲之比成於詩

樂同天則尙書春秋治人則威儀經典文之盛也斯人之所以參天地乎夫方有殊音故文不同體音有楚夏則文有古今孔子贊易曰修詞聘記論辭曰足達又曰辭足以達義之至也然則不修者不足以達達而不已者修之不誠也玄聖旣沒文不在人散之羣賢乃成一代是以古之文則聖聖同揆後之文則世世殊風自漢迄今體惟三變三體始末改玉必殊建武非文景之詞鸞末異衍初之格何以漢久而後變梁禪而已殊將非朝野之統同有類鄉都之響應乎越舊至夔巫百舍而

富順縣志

卷十五

藝文

三

同於蜀語宜章隔樂昌一領而動資譯象文之判代亦由是矣夫詞不追古則意必循今率意以言違經益遠是以陳周旣合政術彌乖文飾者胥尙虛浮馳騁者奮其私智故知文隨德異寧獨聲與政通欲驗流風尤資總集但蕭樓略選僅存梗概梅紀旁搜未區門目自餘俗學莫識津涯蔽所稀聞咻於眾楚中興先後經術方昌不煩木鐸克傳天口余以寸莛之質驂靳九州博訪通人周咨同志常願勒成一部庶以羽翼六經近入華陽甫加鈔撮旣求珠於溟渤實採材於鄧林富順簡君

及吾陳子廣甄往籍精論流別類分仍夫蕭選正副畧
仿李鈔要以截斷眾流歸之漳雅使詞無鄙倍學有根
本高陳皇古之訐謨下亦稗官之談中俾夫橫議不犯
清塵庶作者有達義之能學者識立誠之效猶恐論乖
丹素目眩玄黃或習愴荒不分雅鄭將謂文已末矣何
古之爲輒爲述其本由使必應於經義方今九流已判
四海來同揭日月以昭今入宮牆而見美共學適道旣
洗於昏矇博文約禮詎窮於鑽仰也

翫春萸閣詩四卷文七卷詞一卷

富順縣志

卷十五

藝文

三

陳崇哲撰宋育仁序畧曰元叡孝廉篤行深中而劬學
好深湛之思受學於湘潭王先生崇修經術治詩古文
辭與同縣宋育仁爲同志友共學者三年至相親厚也
計偕上京周覽山川風土徧交當世才彥文章益富方
興心希古探綜六代由賦頌溯楚辭五言追三百而合
途六義以窺經始故其文體博皆雅言而詩賦特緣情
麗則稱物彌芳旣俱從宦相別去一年聞元叡以鬱嗟
失智病矣所學方日新無涯而中道沒綜生平所撰碑
銘賦誄古近體詩若干首仲弟价生擇其尤雅裁爲卷

別著有八代文章志二十卷儀禮士喪虞器服釋證四卷茲於學術豈僅聞聞哉文尤雅不湮矣

蜀歷代文學贊二卷

陳崇哲撰自序曰梁益之在中古歌風樂道稱爲景畿往籍昞然足徵矣當代守樸罕事編撰岷英瀆靈遂受閭汶之誚粵稽有漢卿雲褒寬學咳文炳中區遐載咸奉爲宗後儁眇微世乃驕睨緬昔揆今不能不增惋歎也暇日援翰甄述前修各次大畧贊以章美漢後隋先人士燦升凡俾世儒載於簡李唐以降承流日廣

富順縣志

卷十五

藝文

三

三〇八

蕪亦眾勤著述而無當懿俾者略焉昔游夏淹習文學名科後世史興始析儒林文苑之目究其本始無事歧別茲故以文學摺之云

書帶草堂詩稿

無卷數

鄭德暉撰

榕樹山房詩稿二卷芸臺詩稿二卷

清王振績撰振績字北荷布衣究心世務於古今史乘輿地及當代掌故類能條舉縷晰尤諳鹽法子萬震舉人

歐雲小草詩集管見初編文集

清趙世超撰字北海邑庠生

怡怡齋詩稿七卷

清廩生呂光莖撰

裳華閣詩二卷詞一卷

清宋子貞撰子貞字令修檢討宋育仁之女兄適同縣

諸生易昌楫

育仁以弟輔仁逃園拾殘草一卷合也為同懷集讓有序

尋樂堂詩文集

清朱斗南撰斗南字松臬嘉慶甲戌進士官陝西白河

富順縣志

卷十五

藝文

三

知縣

集序載內江舉人劉景伯枕經堂雜著得見集名遲故殿後